

Toerbroers Toerisme Kampus



Toerbroers is die grootste Afrikaanse reisagentskap in Suid-Afrika en is ook onlangs as die Beste van Pretoria aangewys vir hierdie spesifieke kategorie.

As leiers in die bedryf is Toerbroers ook aktief betrokke by die opleiding van die volgende generasie. Toerisme is een van die dryfvere van die land se ekonomie en werkseleenthede op plaaslike en internasionale vlak is bekombaar met die regte opleiding en praktiese ondervinding.

By Toerbroers Kampus kombineer ons topgehalte teoretiese opleiding met praktiese ervaring om jou vir 'n suksesvolle loopbaan in die toerismebedryf voor te berei.

Met ons Cathsseta-geakkrediteerde NQF-sertifikate, internasionale erkenning en ekstra voordele soos 'n Toerismepaspoort en Noodhulp-sertifisering, kry jy die kennis én vaardighede om wêreldwyd in die toerisme-industrie te werk.

Die volgende kursusse word by ons aangebied

Toerisme
Kultuur
NQF4

Toerisme Met
Natuur
NQF4

Toepaslike
Diere
Gesondheid,
Sorg En
Voeding
NQF5

Wildsplaa
Bestuur
NQF4

Zanzibar
Gasvryheids-
bestuur
NQF2

Toerbroers Kampusse 2026

Gedurende 2026 maak Toerbroers gebruik van 9 trek kampusse gedurende die loop van die jaar waar studente teoretiese en praktiese opleiding kry.

Ons skedule is gebaseer op 'n toerisme kalender waar studente dan 3 weke aan een gaan opleiding ontvang en een week af is. Indien 'n student nie kan huis toe gaan tydens die afweek nie, kan hy/sy aansoek doen om by van ons vennoot lodges / hotelle / plase praktiese ure en ervaring op te doen.



Hoofkampus: Castle Walk Estate



📍 14km buite Pretoria op Sefako Makgatho Drive, Castle walk Rd, Roodeplaat

1 Feb – 28 Feb 2026
1 Maart – 29 Maart 2026
30 Nov – 11 Des 2026

Teorie

Fokus Areas



Oriëntering



Leer mekaar ken



Toerisme Teorie

Die kampus is uiters luuks en het alles wat studente mag benodig om hulle studies te vergemaklik aangesien dit ook naby hoofweë en winkelsentrums geleë is. Die welige grasperk en tuinareas kan gebruik word vir spanbou en ontspanning en daar ook genoeg veilige parkeerplek vir studente. Die kamers is ruim, modern en toegerus met WiFi en 'n slim-TV. Daar is ook wasgoed geriewe en ons kombuis, met professionele sjef, voorsien daaglikse ontbyt en aandete. Die konferensie lokaal is 'n moderne fasiliteit wat oudiovisueel insluit. Studente sal teoretiese opleiding by die kampus ontvang.



Swa-Zulu Game Lodge



Brits, Noord Wes

30 Maart – 17 April 2026

3 Weke Prakties

Fokus Areas



Genetika



Verskeie diere vir Natuurkunde



Gasvryheid



Kampwild



Verblyfbestuur



Wildveiling

Swa-Zulu Game Lodge, waar luuksheid en avontuur ontmoet. Studente sal by die lodge die geleentheid kry om praktiese ondervinding in onder andere gasvryheid, lodge en plaasbestuur sowel as natuurkunde op te doen. Swa-Zulu het die toekenning as WRSA se "Tourism Establishment Award" vir 2024 ontvang. Hulle is ook deel van die "Prestigious wildsveilings" waar hulle hulle teelgenetika aanbied op wildsveilings.

Swa-Zulu word deur meer as 1500 gaste per jaar besoek en bied die volgende aktiwiteite:

- Wildteel
- Jag
- Bosveld wegbreke
- Wildsritte
- Funksies
- Trou Venue
- Perderitte
- Bootrit op Roodekoppies dam

18 April – 3 Mei 2026

Studente Af Naweek



SWA-ZULU

Moholoholo Mountain View en Rehabilitasie Sentrum



 Hoedspruit, Limpopo Provinsie

4 Mei – 22 Mei 2026

3 Weke Prakties

Fokus Areas



Rehabilitasie



Verblyfbestuur



Biome



Gasvryheid

Moholoholo Mountain View bied studente die unieke geleentheid om meer van gasvryheid, wildsplasbestuur en die onderhoud van so 'n eiendom te leer. Verder kry studente ook opleiding rondom natuurbewaring en rehabilitasie by die wereldbekende, Moholoholo Rehabilitasie Sentrum, die huis van onder andere, Stoffel die ratel. Studente en vrywilligers van regoor die wereld kom hierheen om wereldklas opleiding te ontvang.

23 Mei – 31 Mei 2026

Hoofkampus: Caste Walk, Opedag Voornemende Studente



Kwalata Private Game Lodge



Dinokeng Game Reserve, 35km buite Pretoria

1 Junie – 19 Junie 2026

3 Weke Prakties

Fokus Areas



Kultuur en Jeug



Lodging



Gasvryheid



Spanbou



Natuur

Kwalata Game Lodge is baie uniek in die opsig dat hulle daarin geslaag het om suksesvol 'n kombinasie van toerisme, konferensielokaal, korporatiewe netwerke, gemeenskapsbetrokkenheid daar te stel en om deel te wees van 'n omgewings- en toeristebestemming ontwikkeling. Nie net sal studente hier waardevolle opleiding rondom kultuur, natuurbewaring en gasvryheid ontvang nie, maar ook leer hoe Kwalata ook jaarliks suksesvolle kampe en veldskole vir leerders aanbied.

20 Junie – 2 Julie 2026

Studente Af Week



Ukutula Game Lodge



The Farm Klipkop, Brits, Noord Wes



3 Julie – 24 Julie 2026

3 Weke Prakties

Fokus Areas



Biobanke



Lodging



Gasvryheid



Vrylating van leeus

Die lodge staan bekend as die “plek van stilte” en is geleë in ‘n welige bosveld waar die gebrul van die leeu kilometers ver gehoor kan word. Die reservaat bestaan uit 260 hektaar ongerepte bosveld met ‘n verskeidenheid wildspesies, insluitend roofdier- en wildsbokspesies, kameelperde, sebras, en meer. Ukutula is ook die tuiste van meer as 130 verskillende voëlspeesies. Sedert 2006 is talle professionele soogdiernavorsingsstudies uitgevoer deur verskeie wetenskaplike navorsingsinstellings en professionele persone by Ukutula Game Reserve. Tans bied die Ukutula Conservation Centre (UCC) & Biobank ‘n aantal navorsingsprojekte aan deur verskeie akademiese instellings en internasionale navorsers en nagraadse studente, insluitend ‘n langtermynstudie oor die endokriene / hormonale veranderinge in die leeuwyfie en die invloed daarvan op voortplanting, ‘n studie oor die effek van welpie/wild-interaksie op menslike verbintenis met wild en hul verhoudings met die natuur, asook verskeie ander projekte oor kattevoortplanting en kryopreservering van genetiese materiaal van bedreigde wildspesies.

25 Julie – 23 Aug 2026

Studente Af Voorbereiding Vir Eksamen



Hoofkampus: Castle Walk Estate



14km buite Pretoria op Sefako Makgatho Drive, Castle walk Rd, Roodeplaat

24 Aug – 30 Aug 2026

Eksamens & Onderhoude

Studente keer terug na die hoofkampus vir mondeling eksamens.

Gedurende hierdie tyd sal hulle ook aan Bushwise onderhoude deelneem vir plasing na meer as 350 plaaslike en internasionale werkgewers.

Ons gebruik ook die geleentheid om vir die Gala Funksie wat op 9 Desember 2026 gehou gaan word voor te berei.

Die funksie gaan ook dien as die aankondiging van die semifinaliste vir ons Kyknet Toerbroers Jou Toekoms reeks.



Berchtesgaden Wildplaas en Leefstylplaas



Vaalwater, Limpopo

31 Aug – 18 Sept 2026

3 Weke Prakties

Fokus Areas



Jag (Concession)



Selfonderhoudend



Vleisverwerking



Waterberg Bloom

Die naam – “Berchtesgaden” beteken ‘die tuin in die berg’. Berchtesgaden is ‘n Wildsplaas & Leefstylplaas ondervinding-bestemming. Van die mees prominente kenmerke is die plaas se ongerepte ekosisteme, ‘n oorvloed wild en volhoubare boerderymetodes. Die Berchtesgaden Wildplaas & Leefstylplaas is twee afsonderlike stukke grond wat in harmonie met mekaar bestaan. Op die Wildsplaas raak besoekers verlore in die ongerepte skoonheid van die Afrika-wildernis waar ‘n menigte aktiwiteite en avonture wag. Reg langsna op die Leefstylplaas kom die meeste van wat jy verbruik vandaan, maar ook die plek waar gaste toegelaat word om aan boerdery-aktiwiteite deel te neem en hierdie lewe as hul eie te ervaar.

19 Sept – 4 Oktober 2026

Studente Af NawEEK



Udolpho Rivierplaas



Parys, Vrystaat

5 Okt – 23 Okt 2026

3 Weke Prakties

Fokus Areas



Geskiedkundige kultuur met FAK



Gemeenskapsprojek (45 Boere)



Herbou van akkommodasie

Die terrein is onder leiding van die Voortrekker Monument en die FAK. Die erfenisterrein is ook die tuiste van verskeie bakens oor die Afrikaner se ryk geskiedenis en kultuurerfenis wat 'n unieke, insiggewende ervaring aan Udolpho-gaste bied. Een van die groot projekte wat die studente gaan onderneem is om kultuur, die gemeenskap en toerisme te kombineer om sodoende 'n suksesvolle onderneming daar te stel. Alhoewel die Rivierplaas reeds jare lank suksesvol bedryf word, is daar nuwe lewe en 'n moderne aanslag nodig en dis waar Toerbroers Kampus sy staal gaan wys.

24 Okt – 1 Nov 2026

Studente Af Naweek



Kilima Wildsplaas



Section 15, Old Gravelotte Rd, Tzaneen

2 Nov – 20 Nov 2026

3 Weke Prakties

Fokus Areas



Agri Kultuur



Internasionale Jag



Gasvryheid



Gewasse



Genetika

Diep in die Afrika-bosveld, aan die voet van die Murchison-bergreeks – bied Kilima Private Game Reserve & Spa wêreldklasstandaarde in luukse akkommodasie, nabye wildontmoetings, persoonlike diens en heerlike kookkuns.

Kilima se filosofie “COURAGE ABOVE & BEYOND” spruit uit die Schütte Legacy wat teen alle waarskynlikheid verduur het. ‘n Nalatenskap waar ons gesin, in harmonie met die natuur, sake doen vir die komende geslagte.

Studente gaan hier intense opleiding in 5-ster diens beleef waar hulle onder andere met plaaslike en internasionale gaste, jagters en besoekers gaan werk.

21 Nov – 29 Nov 2026

Studente Af Naweek



Kampus Kontak
Besonderhede

Corlia Nel

082 571 0330

admin@toerbroers.co.za



www.toerbroers.co.za